

品玉明運度至眞大神無鞅之眾浮空而至說經四徧北方无
極无量品玉明運度至眞大神無鞅之眾浮空而至說經五徧
東北无極无量品玉明運度至眞大神無鞅之眾浮空而至說
經六徧東南无極无量品玉明運度至眞大神無鞅之眾浮空
而至說經七徧西南无極无量品玉明運度至眞大神無鞅之
眾浮空而至說經八徧西北无極无量品玉明運度至眞大神
無鞅之眾浮空而至說經九徧上方无極无量品玉明運度至
眞大神無鞅之眾浮空而至說經十徧下方无極无量品玉明
運度至眞大神無鞅之眾浮空而至十徧周竟十方无極玉明
運度天眞大神一時同至一國男女傾心歸仰遙見元始升座
道藏輯要

度人妙經

二

角集三
メ又リ

說法散大光明照徹无量諸天世界一國男女及諸天人其數
無窮各居一天住一化境各各神聽恭聞天尊玉音響徹宣說
微妙玉明運度之法卽各相謂而共議言元始天尊今說玉明
運度之法大小劫量窮盡之數我知一切天人生死根本悉由
運度運度之數本於陰陽陰陽之氣卽是生死陽氣爲生陰氣
爲死旣從陰陽轉此生形便有生死運度之數我若得道升入
無形超過陰陽卽無生死及以大劫小劫運度之數我等大眾
各各運心齊赴空碧大寶之天請問至要玉明運度何以修行
出離陰陽得免生死證妙有身爲大法王度諸眾生出大劫海
來者有如細雨密霧無鞅之眾迺國一半土皆徧陷非可禁止

於是元始懸一寶珠大如黍米在空玄之中去地五丈元始登引天真大神上聖高尊妙行真人無鞅之眾俱入寶珠之中天人仰看惟見拂拂從珠口中入既入珠口不知所在元始即見神變珠內廣大含受十方諸天一切國土於大眾中出紫金光明作七種色一一色中出妙香雲徧滿珠內回青蓮目俯眄大眾攬百寶雕龍瑞玉之几德音和暢悅豫而言告大眾曰王明者天之內名也言此萬天各運度運度不息生死不止一切天人困於有爲無爲勤勞休息之見墮在運度棄道德海入生死流皆由眾生心有取舍斷習諸見貪欲喜怒入陰陽之燬運度遷易萬生萬死不造無形不識道體我今宣示法要光明運度

道藏輯要

度人妙經

三

角集三
又三

運度者天地之數也一陰一陽天地之根生死之根氣有終始故有運度之數天數三十年一小變百年中變五百年大變三大變爲一紀三紀爲大備六千年矣天圓十二綱地方十二紀天綱三百六十日運關一周地紀三千三百日推機一度天運關三百六十周爲陽勃三百年地推機三千三百度爲陰蝕三萬年也九千九百度則天地氣交爲九萬年名曰大陽九大百六爲大劫運度小陽九小百六小劫運度亦如之大運度之時天氣窮於太陰卽爲火地氣極於太陽卽爲水二氣相反萬物消化然後元氣復合更爲混沌此名劫數運度也大劫之末水火之災上至三界之上下極九地之下並得化滅臺末無遺以

是陰陽二氣所生故隨二氣化滅三界之上四民之天及我所都三清大羅之城極道之境水火不及災數不至出陰陽生死二氣之外九大運爲一劫八十一萬年爲大運度九萬年爲小劫爲小運度大劫運度旣終我所流布金文玉字龍章鳳書一切經典皆還大羅玉京混沌重判眞文復出聖人流通再傳下世一切眾生能厭生死斷諸染著世間習氣令此神氣妙合太空空體自然不屬陰陽自無生死契此妙空應念現相升入無形運度終盡飛昇大羅出三界地永離生死克證道位得爲天真方名得道一切眾生以學道故住於小乘或壽限永劫飛行往來分形散影乘駕龍鳳此皆執著未名漏盡大眾聞語皆出道藏輯要

度人妙經

四

角集三
八十一

三空證上眞道國人廓散地還平正無復欹陷

元始卽於寶珠之內說經都竟眾眞監度以授於我當此之時喜慶難言法事粗悉諸天復位條欵之間寂無遺響是時天人遇值經法普得濟度全其本年無有中傷傾土歸仰咸證至眞殺害嫉妬淫盜貪欲憎妬種種業心悉淪爲空不見陰陽不有生死言無畏愛口無願幸齊同慈愛異骨成親國安民豐欣樂太平經始出教一國以道預有至心宗奉禮敬皆得度世道言元始天尊說經中所言並是玉明上帝內名隱韻之音亦是魔王內諱百靈之隱名也知元氣爲生死之根見陰陽爲生死之門生死所因是由運度運度不起卽無生死得道成眞體

合太空永離生死超凌三界非世之常辭上聖已成真人通玄
究微能悉其章誦之十過諸天遙唱萬帝設禮河海靜默山嶽
藏雲天關不行地機不動運度休止人得長生羣魔束形鬼精
滅爽迴骸起死白骨成人至學之士誦之十過則五行順常陰
陽無傷運修度永福樂壽康魔精喪眼鬼妖滅爽濟度垂死絕
而得生所以爾者學士至人氣拘陰陽體未洞真召制十方威
未制天政德可伏御地祇束縛魔靈但卻死而已不能更生輕
誦此章身則被殃供養尊禮門戶興隆世世昌熾與善因緣萬
災不干神明護門斯經尊妙獨步玉京度人無量爲萬道之宗
巍巍大範德難可勝

道藏輯要

度人妙經

五

角集三
大上支

道言凡誦是經十過諸天齊到運度開光沈滯冥識辭陰希陽
億曾萬祖幽魂苦爽皆卽受度上升朱宮格皆九年受化更生
得爲貴人而好學至經功滿德就皆得神仙飛昇金闕遊宴玉
京也上學之士修誦是經皆卽受度飛昇南宮世人受誦玉明
降氣生道來居則延壽長年後皆得作尸解之道魂神暫滅不
經地獄卽得返形遊行太空此經微妙普度無窮一切天人莫
不受慶无量之福生死蒙惠上天所寶不傳下世至士齋金寶
效心盟天而傳輕泄漏漫殃及九祖長役鬼官侍經五帝玉童
玉女各二十四人營衛神文保護受經者身

道言正月長齋誦詠是經玉明東旋運度丁壬生德開光九真

簡名太乙青符拔度幽局爲上世亡魂斷地逮役度上南宮七月長齋誦詠是經玉明西經運度乙庚肅氣結金龜臺浚靈白素玉符鍊治兆形身得神仙諸天書名黃錄白簡削死上生十月長齋誦詠是經玉明北上運度丙辛正氣成龍紫庭命仙帝眞玄告輔帝長生爲國王帝主君臣父子安鎮國祚保天長存世世不絕常爲人君安鎮其方民稱太平八節之日誦詠是經玉明合映運度允甯沖氣分華八門開明神虎赤書策號帝階得爲九宮眞人本命之日誦詠是經玉明保命運度千齡斗宮奏功錄兆成眞七元寶章星流太淵魂神澄正萬氣長存不經苦惱身有光明三界侍衛五帝司迎萬神朝禮名書上天功滿

道藏輯要

度人妙經

六

角集三
又川三

德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐碧綠白三色雲氣之中內外蒼冥有青龍白虎朱雀玄武獅子白鶴羅列左右日月照明洞煥室內頂生圓象光映十方如此分明密咒曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各六十四人關啟所言今日吉慶長齋清堂修行至經无量度人願所啟上徹徑御无上三十二天元始上帝至尊几前畢

引悉三十二過東向誦經

道藏輯要

度人妙經

七

角集三
廿二

正一天師清微弟子共百堅製作

道教學術資訊網

元始无量度人上品妙經

元始洞玄靈寶本章玉明運度上品妙首應數度人百魔隱韻
離合自然混沌太无九空道祖元氣內廓玉明映玄元分爲二
陰陽乃全役氣運神无无上眞元始祖劫運度諸天八九六七
劫運無窮太陰生火太陽爲水五行反傳開明三景是爲天根
玉明梵景惟道爲身運度推移五色乘天玄光成篆火鍊爲文
五色定位流霞結篇五文列象普植神靈無文不光無文不明
無文不立無文不成無文不度無文不生是爲大梵天中之天
鬱羅蕭臺玉明上京上極无上大羅玉清眇眇劫初若亡若存
三華離便大有妙庭金闕玉房森羅淨霽神霄梵氣周回十方
道藏輯要

度人妙經

八

角集三
×××

中有度人不死之神中有南極長生之君中有玉明運度司馬
大神中有好生韓君丈人中有南上司命司錄延壽益算度厄
尊神回骸起死无量度人今日校錄諸天臨軒

東方无極飛天玉明主運神王長生大聖无量度人
南方无極飛天玉明主運神王長生大聖无量度人
西方无極飛天玉明主運神王長生大聖无量度人
北方无極飛天玉明主運神王長生大聖无量度人
東北无極飛天玉明主運神王長生大聖无量度人
東南无極飛天玉明主運神王長生大聖无量度人
西南无極飛天玉明主運神王長生大聖无量度人

西北无極飛天玉明主運神王長生大聖无量度人
上方无極飛天玉明主運神王長生大聖无量度人
下方无極飛天玉明主運神王長生大聖无量度人

十方至真飛天玉明主運行度神王長生度世无量大神並乘
紫蛟瓊色紋蚪慶霄彤雲鳳車龍輦玉蓋金輪驂駕丹鯨玉毛
金精之獸建九氣之節十極之旛前嘯洞謠交音後吹梵唱齊
鳴仙姬素童鸞歌囀囀三皇啟塗九老翼轅億乘萬騎浮空而
來傾光回駕興劫開生推運行度劫運無終驅陰馭陽輪轉死
生玉明丞相南昌上宰樞機列真韓司主錄監生主死靈魔大
神運度數元彌綸六虛水火兵災料別種人執錄把籍齊到帝
道藏輯要

度人妙經

九

角集三
XOX

前隨所應度嚴校諸天普告三界无極神鄉泉曲之府北都羅
酆三官九府十二河源上解祖考億劫種親疾除罪簿落滅惡
根不得拘留逼合鬼羣元始符命時刻昇遷北都寒池部衛形
魂制魔保舉度品南宮死魂受鍊仙化成人身身受度劫劫長
存隨劫輪轉與天齊年永度三塗五苦八難超凌三界逍遙上
清上清之天天帝洞虛無色之境梵行

東方八天

蒼室真符天

帝曲臺秘鉉

玉靈至玄天

帝殿庸就孚

寶洞元極天

帝伯史頓千

正志明仙天

帝素綱履微

九真義需天

帝羊池空

平維重華天

帝赤師匠威

神液鍊珠天

帝鎮民具萊

清都九龍天

帝贊雲次章

南方八天

彤京降輿天

帝浩緒純耀

融輝舒真天

帝變玄婁堪

浩極升炎天

帝回俞務元

湛是无極天

帝略府臯徊

道藏輯要

度人妙經

十

角集三
一又三

咸利開明天

帝早渾斯疆

丹靈思真天

帝治靜基

嚴上簡奏天

帝廖區馳光

真光梵輔天

帝溢爽杜蘄

西方八天

律檢萬魔天

帝輔龍九飈

金景浩靈天

帝太微丙思

素奏曲晨天

帝邀夫直闌

神虎威章八極天

帝聖車翔

明度修劫天

帝堂覺平

瓚登跪盟天

帝巫雲慈仙

陽府稟制天

帝梁華美經

勅錄羣魔天

帝轉延沙侯

北方八天

玄靈感華天

帝懷昉指濱

節車問方天

帝彭定思將

鍊明玉宸天

帝慮慈景遷

靈關制神啟陰天

帝建兜式南

洞白廣功元化天

帝衍第嗣羅

振景耀光天

帝輔章頤行

道藏輯要

度人妙經

十一

角集三
卅三

北嚴護元天

帝學儲佐祠

歷度定運天

帝超湟敬通

三十二天三十二帝六十四重玉明運度周回終始法象綱維
陰陽復起劫劫相因生化不息諸天隱諱諸天隱名天中空洞
自然靈章諸天隱韻玉明之音玉明之尊玉明之神九陽梵境
運度之靈變化上清无量之奧深不可詳敷落神真普度天人
今日推演運度理死別生會道之妙無形爲真與空爲一隱秘
常名神變出沒自然之靈過度水火大劫刀兵身有金色堅固
無傾欣慶受度歷關諸天請超三空絕陰陽根飛度五戶名列
太玄真魔監舉無拘天門東斗受識西斗鑄形北斗稟慧南斗

運心中斗大空是道真形青帝顯色白帝明空赤帝動覺黑帝
玄通黃帝意運感合變生青運真王木劫諦阿赤運真王火劫
部喃白運真王金劫剛嗟黑運真王水劫湮羅黃運真王土劫
神兵五運真王萬神之宗抑張運度時刻不容飛行鼓從總領
神兵麾旛鼓節遊觀太空威號赫奕諸天齊功超度劫運嚴攝
北酆真王受命普掃不祥素虎吐毒天馬四張赤甲前驅大殺
仗旛擲火萬里流鈴八衝敢有干試拒遏上真金鉞前戮巨天
後刑屠割鬼爽風火無停千千截首萬萬剪形魔無干犯鬼無
祇精三官北酆明檢鬼營不得容隱金馬驛呈普告無窮萬神
咸聽三界五帝列言上清

道藏輯要

度人妙經

上

角集三
×××

元洞玉歷紀劫重關肇維元始生育天地混沌成合其數億千
自有元氣合混已來其世莫量眇眇億劫爰龍達康玉明圓虛
運度相期太一含運其形自然蕩蕩空景大道之元生化二景
胞胎兩儀此道至妙世莫之知運度周極玉明成形大氣泛景
或浮或沉真土傳之狀如卵圓中行運度萬匝無偏五行之中
運度爲先玉明爲色元氣成淵其理如蒸氣升爲露降則爲泉
神風鼓之鍊爲真鉛鉛爲金祖以金爲天運度左行九萬九千
五運成度九萬九千復代於水水行於天九地汙流崑山湧泉
天上天下無幽無冥無形無影無極無窮溟滓大道遼廓無光
赤明開圖運度自然行運合度六氣成天動有差忒萬物否焉

玉明之數運度

元始安鎮敷落五篇赤書玉字八威龍文

保制劫運使天

梵氣彌羅萬範開張元綱流演六十四天

輪轉無色周迴十

旋斗歷箕運周四傍迴度五常三十五分

總氣上元爲玉明

八景冥合氣入空玄空大皇上帝高真

汎景太霞嘯咏洞

立真明郁流響雲營玉音攝氣靈風聚煙

紫虛鬱秀輔翼萬仙

和萬合運度周身天運合人自然成真

真中玉明長生大君

霞公子東華帝君皓青帝妃白元尊神

紫庭太一司命真君桃

康合延玉光紫靈執符把籙保命生根

上遊上清出入華房八之內細微之中玉精流液下鎮人身

泥丸絳宮中理五氣混合百神十轉回靈萬氣齊仙仙道貴生

道藏輯要

度人妙經

三

角集三
XOII

无量度人運流八門飛天六梵之輪運旋明晦轉推死生罪福
禁戒宿命因緣普受開度死魂生身身得受生上聞諸天諸天
之上各有生門中有空洞謠歌之章真王靈篇辭參高真

第一玉明飛空之音

寥寥始青

萬劫之名

染空成碧

變玉柔明

爲九氣母

是諸天根

湛然景霄

高映青林

上交雲鸞

枝覆萬天

眞霞千縷

金色萬重

是皆天章

震撼神風

帝眞九老

神仙眞人

出沒顯見

在此天中

一葉寶書

八會之言

嘯歌洞音

以滅萬凶

聞此玉明旨

得道無終窮

第二玉明運度之章

高深之運

九氣爲防

旋斗歷箕

周行五方

順生逆死

載此百昌

五運行度

始於陰陽

陰陽造化

有數有名

名數之域

生死之程

氣之流運

三界成輪

運度所召

流轉無停

天堂之樂

地獄之苦

皆未爲道

業果所因

胡不爾思

道藏輯要

度人妙經

古

角集二
リメ

鍊性如空

空無所空

妙非形容

須臾億劫

千載嬰童

超過陰陽

出離五運

無有生死

是真永命

我運此章

開兆之心

世欲汨汨

載浮載沉

但存兆心

量與空合

久而自定

隱於太漠

出爲真人

福極寥廓

坐證高宸

玉池金閣

第三玉明眞王歌曰

九天如壘

倚此初臺

蕭羅寶曆

玉關對開

華房藥宮

含珠吐茸

丹碧萬縷

光纏六龍

運度綱紀

神梵爲理

玉明蕩蕩

中包九清

號曰虛皇

不夜之庭

兆若爲眞

當證無形

運度不拘

以道爲身

神通變化

惟意所成

兆欲知之

內去五欲

虛光無留

與道爲儔

長生無爲

眞人同遊

玉音爲此歌

用作慈悲舟

捨此生死岸

上升崑崙邱

日月如跳丸

安能使人憂

此三界之上飛空之中眞王歌音參洞章誦之百徧名度南

道藏輯要

度人妙經

五

角集三

宮誦之千徧眞王保迎萬徧道備飛昇太空過度三界位登仙
公有聞靈音眞王敬形勅制地祇侍衛送迎拔出地戶五苦八
難七祖升遷永離三官魂度朱陵受鍊更生是謂無量普度無
窮有秘上天文諸天共所崇泄慢墮地獄禍及七祖翁

道言此二章並是諸天上帝及至靈眞王隱祕之音天體玉明
自然高凝運度成劫流浪死生眞人獨立邈爾無形不墮諸有
不涉智情混洞純一道從是生三境逍遙永劫太平皆是大梵
之言非世上常辭言無韻麗曲無華宛故謂玄奧難可尋詳上
天所寶祕於玄都高上神霄玉清玉府經堂東室道君行化運
當壬辰依科以傳若有至人齋金寶質心依舊格告盟神霄賸

行露丹然後而付焉

道言夫天地運度否終日月五星虧盈至聖神人休否末學之
夫疾傷凡有此災同氣皆當齊心修齋六時行香十徧轉經福
德立降消諸不祥無量之文普度無窮

道言夫末學道淺或仙品未充玉明氣窮天度終盡運應滅度
身經太陰臨過之時同學至人爲其行香誦經十過以度屍形
如法卽太一回旗無英命旛公子度符玉明運還魂神徑上南
宮隨其學功計日而得更生輪轉不惑使得神仙

道言夫天地運終星宿錯度日月失明四時失御陰陽不調國
土歲災兵饑鬼盜疫毒流行兆民死傷師友命過族系殞亡亦

道藏輯要

度人妙經

其

角集三
川三

當修齋行香誦經夫齋戒誦經功德甚重上消天災保鎮帝王
下禳毒害以度兆民生死受賴其福難勝故曰无量普度天人
道言凡有是經能爲天地帝主兆民行是功德有災之日發心
修齋燒香誦經十過皆諸天記名萬神侍衛右別至人克得爲
聖君金闕之臣諸天記人功過毫分無失天中眞王亦保舉爾
身得道者乃當洞明至言也

諸天中大梵隱語无量音

道君撰

元始靈書中篇

東方入天

瀕陽釜箕

嶽直玄萃

羌除明梁

檀樂卷懟

蓬仇仙綬

麗璠烈蛻

淪鍊矜瓌

房稽來呈

閨益果旅

瓓琳定迎

徧慈侯謀

品江條司

鏐熾班秀

庇場什基

頌南厯乙

奔暘蝕微

南方八天

霞賞烈起

汶瀘弼眞

革師雲籌

亭泊頓回

想芒屢延

伯駸辭段

液煖殿伾

符決霞觀

鮑嶧荃侶

報瀛冥投

注煙翹咸

晁童貽算

道藏輯要

度人妙經

七

角集三
四〇八

莊僖劫飛

峒綿相侃

畧元清巒

月騎由鴈

西方八天

光編伏壘

赫蠡補新

窈蕩振索

韞龍紀臣

傳希輔蒼

閱賈寶瓊

河樞燕庫

庭齊止青

耀慮勅隨

兵圖總籍

鉤戈承威

火律延力

嵩神楚苓

閬覩府京

宿足斗韓

興生遄呼

北方八天

玄洞逸剛

氣車無疆

妙指勤旅

八景靜昂

電口漏脈

擎支昆黃

賚頌九辰

蕭慈拏閑

遠無聽情

寒盧瑩鮮

空靈海昌

流煙蒙山

寡器拱玄

喻華詛仙

南奎秉神

寥放寂顏

道言此諸天中大梵隱語无量之音舊文刻書玉明之門中玄
左臺天關地機之上以正五劫九成十壞水火金木之運以行
三光五辰流演星宮宿舍遲伏留逆之度天運星度以紀劫數
大小陽九百六始終之次小極三百六十有五曰大極八十一

道藏輯要

度人妙經

六

角集三
六一三

萬或九千九百九十億氣之數天官運籌布算候氣觀象按歷
奉圖以知玉明之運度運度畢於陰陽陰陽根於生死生死流
轉因陰陽爲之駟能釋念於虛滅心於無氣合於漠神合於空
兆之介然之形鍊之如素如光如影如風如不可容則身之質
礙如蛇有蚶如蠅有翼當委衣而登真也字皆廣長一丈天真
皇人昔書其文以爲正音有知其音能齋而誦之者諸天皆遣
主運度真官下觀其身書其功勤上奏諸天萬神朝禮地祇侍
門大勳真王保舉上清道備克得遊行三界升入金門此音無
所不辟無所不禳無所不度無所不成天真自然之音也故誦
之致天吏下觀上帝遙唱萬神朝禮三界侍軒羣祇束首鬼精

自亡琳琅振響十方肅清河海靜默山嶽吞煙萬靈振伏招集
羣仙天无氛穢地无祆塵冥慧洞清大量玄玄也

道藏輯要

度人妙經

九

角集三